

# **Maikapat a Domingo ti Adbiento**

## **Maikauppat a Leksion: Ti Pannakayanak ni Jesus**

### **I. Panggep**

Kalpasan ti panagadal, ken ti di agsarday a panangipakita dagiti nagannak ken dagiti nataengan ti pagtuladan a panagbiag, dagiti nagatendar ket manamnama a:

1. Mangrugi a mangakseptar a ti pannakayanak ni Jesus ket sagut kadatayo;
2. Mangrugi nga ammona nga dagiti ubbing sagut ti Dios ida kadagiti nagannakda;
3. Mangrugi nga agsao maipapan iti panggep ti Dios tunggal maysa;
4. Maiyistoriyada ti umuna a pakasaritaan ti Paskua kas maysa nga ubbing.

### **II. Konsepto:Sagut ti Dios ni Jesus. Pasangbayentayo ni Jesus nga addaan naragsak a puso.**

Dagiti Kasapulán: Biblia, kuloong, activity sheet, paper plate, stapler, simple a ladawan ti rupa ti ubbing, panait wenna yarn, puncher

### **III. Linaon ti Panagadal**

#### *A. Panglukat a Panagdayaw*

1. Panangbasangbay: Kablaawan dagiti ubbing ket ibaga nga kitaenda ti nakaplastar nga kulloong a naaramid iti mabalin nga usaren pay a materiales.
2. Kitaen iti naaramid a liturhia

#### *B. Panagsagana*

1. Ibaga kadagiti ubbing nga agtugawdan. Damagen no ania ti ig-iggamam. (sagut). Damagen kadagiti ubbing no kasano ti panangiladawanda iti maysa a sagut (maysa a banag nga nawaya a naited). Sinno ngarud kadakayo ti mayat nga umawat ti sagut wenna regalo? (aminda)
2. Ibaga iti klase nga agay-ayamda “Ipasam ta regalo”. Ibaga nga mangpormada ti sirkulo sandanto agtugaw. Ited ti sagut iti mmaysa nga ubbing ket ibaga nga no mangrugi nga agtokar ipasana ti regalo kadagiti padana nga ubbing. No agsardeng ti tokar, ti siasinoman a nakaiggem iti regalo lukatanna ti sagut ket mabalinna a kitaen ti nagyanna. Aramiden daytoy iti mamintallo ket dagiti mangabak a tallo pagtakderen iti sango.
3. Damagen kadagiti tallo a nangabak: “Ania ti riknada a makaawat ti sagut?” Damagen iti maysa: “Ania ti mariknam no adda mangted ti sagut kenka? Ania ti mariknam no awan mangted ti regalo kenka?”

#### *C. Panawen ti Innadal*

1. Motibasion. Saritaen: “Kltaentayo ngarud iti isitoriatayo ita a bigat daytoy sagut ti Dios kadatayo.
2. Ipresentar iti istoria. Ibunnonng ti activity sheets kadagiti ubbing ket ibaga nga kitaenda daytoy. Ni Jesus ti Sagut ti Dios kadatayo!  
Agpailista da Jose ken Maria. Nagnagnada iti adayo a mapan ili a Bethlehem. Ngem ni Maria naglugan ti asno ngamin kabulanan ti panaganakna. Nakadanunda diay Bethlehem ket nagyanda iti lugar a bakante para kadakuada ti kulongan dagiti animal. Maysa a napintas a rabii. Inyanak ni Maria ni Jesus. Nakaragragakda Jose ken Maria. Ammoda a ni Jesus ti

naindaklan nga sagut para kadakuada. Binungonda ti lupot. Innikkanda ti garami ti kulluong ket idiy inpaiddada ni Jesus.

Kadayta a rabii, dagiti agpaspastor sitatalnada nga mangbanbantay kadagiti karneroda. Idi kuan, nagparang ti anghel ket kinunkunada: “Gloria ti Dios idiy kangatuan! Talna ken kappia ditoy daga ken naimbag a nakem kadagiti tattao ti ipaayna!” Inbagada kadagiti agpaspastor, Inkayo iti ili a Bethlehem nayanaken ni Jesus. Binungonda ti lupot ket inpaiddada ket matmaturog iti kulloong. Nagdardaras dagiti agpaspastor nga napan nangkita ken Jesus. Kasta unay ti ragsakda. Idi agawiddan, indaydayawda ket nagyamanda iti Dios gapu iti sagutNa kadatayo- Jesus.

#### *D. Panangpauneg ti Adal/Panagbibinnuray*

Saludsoden dagiti sumaganad:

1. Ammoyo kadi nga adda naisangsangayan a sagut ti Dios kadatayo? (wen)
2. Sinno dayta a naisangsangayan a sagut ti Dios kadatayo? (Jesus)
3. Apay nga kunatayo a ni Jesus ket sagut a naggapu iti Dios? (Immay ni Jesus tapno isalakannatayo)
4. Ania ti panagkunam a langa ni Jesus idi ubing? (Kasla metla dagiti ubbing- bassit)
5. Ania ti rikna da Jose ken Maria idi nakitada ti ubing? (Naragsakanda ti napalalo)
6. Kasano a naammuan dagiti agpaspastor ti pannakayanak ni Jesus? (Inbaga dagiti angheles)
7. Ania ti inaramid dagiti agpaspastor idin a nakitadan ni Jesus? (Naragsakda. Nagdayaw ken nagyamanda iti gapu ta insagutNa ni Jesus kadatayo)
8. Sinno dagiti sagut ti Dios kadagiti nagannak? (dagiti ubbing ti sagut ti Dios kadagiti nagannak)

#### *E. Panangdiskubre ti Adal*

Saludsodem: “Sinno ti naisangsangayan a sagut ti Dios kadatayo?” (Jesus) “Ania ti makunam apay a dakayo nga ub-ubing ti naisangsangayan a sagut ti Dios kadagiti nagannakyo?” (Kas ken Jesus ada naisangsangayan nga panggep ti Dios kaniak)

#### *F. Panagyaplikar ti Naadal*

1. Ibaga kadagiti ubbing nga lumagtoda ti mamitlo ken kunada “wen dakami ti sagut ti Dios kada Papa ken Mamami. Damagen: “Ania ti panggep ti Dios kenka?” Idalan ida iti pnanagibaga: Mangted rag-o iti pagtaengan; mangipakita ti panagayat kadagiti pada a pinarsua ti Dios; agtulnog ken agdayaw iti Dios. (mabalinmo pay a nayonan)

For N/K: “Naipasngay kadatayo ti maysa nga ubing.... Ket maawaganto Prinsepe ti Kappia.”

For YE: “Naipasngay kadatayo ti maysa nga ubing.... Ket maawaganto Naindaklan a Mamagbaga, Nabileg a Dios, Agnanayon nga Ama, Prinsepe ti Kappia.”Isaias 9:6

##### *3. Panagaramid ti Pitaka(Creative Activity)*

a. **For N/K:** Tell the children to make a picture pocket. Provide each child a paper

a. For N/K: Ibaga kadagiti ubbing ng agaramidda iti bassit a ladawan a nakapitaka. Ikkan dagiti ubbing iti pinggan a papel nga adda dua nga abotna nga adda kaadayona nga tallo pulgada iti ngatona, maysa a papel nga adda nakasurat (Ni Jesus ti sagut ti Dios kadatayo. Siak met ti sagut ti Dios kadagiti nagannakko.” Ikkan ida ti panait wenno string ken pagpigket. (Kasanguanan daytoy agpaitugot ti ladawanda iti ubingda dua a piraso.)

1. Kupinen ti dua nga igid ti papel a pinggan ngem ikkan ti espacio ti tenggana. Kupinen ti babana tapno matakabanna ti nakupin nga igidna tapno agbalin a pitaka.
2. Igalot ti pinggan a papel iti dua nga abot iti ngato. Ipigket ti papel iti sango ti pitaka. Arkosan ti pagiggamanna. Ibagi kadagiti ubbing nga kompletuenda ti pagyanan ti ladawan iti activity sheet.
- 3.) Patakderen ida ket ipakita ti inaramidda. Aggegedan a basaen ti nakasurat iti pitaka.
- c. Para YE: Ibunong ti activity sheet kadagiti ubbing, daytoy ket ladawan ti pamilya ni Jesus. Pagsisilpuen dagiti tugkel manipud maysa agingat' limapulo ket lima (1-55). Arkosan ti papel. Adda iti baba ti papel dagiti sumaganad: \_\_\_\_\_ ti sagut ti Dios kadatayo. Siak ket sagut ti Dios iti pamilyak ngamin\_\_\_\_\_.

### *G. Pangrikep nga Aramid*

1. Ikabesa ti laglagipen nga bersikulo
2. Panangpasingked ti naadal: Ibingayko ti ayat ni Jesus kadagiti sabsabali.
3. Panagdaton
4. Pangrikep a Kanta: "When Jesus Was" and "O Come, All You Faithful" (HFJ # 135)
5. Pangrikep a Kararag: Apo Dios agyamankami iti panangisagutmo kadakami ni Jesus. Agyamankami ti panangisagutmo kadakami kadagiti nagannak kadakami. Tulongannakami a managmiris ti panggepmo kadakami kas annakmo. Amen!

## Middle and Older Elementary Levels

### I. Panggep:

Kalpasan ti panagadal, manamnama a dagiti agad-adal ket:

1. Akseptaren a ni Jesus nayanak kas sagut ti Dios kadatayo.
2. Maammoanda nga dagiti ubbing a kas kadakuada ket sagut ti Dios kadagiti nagannakda
3. Mangrugi nga mangibaga nga adda panggep ti Dios kadatayo amin.

### II. Konsepto: **Ni Jesus ti Anak ti Dios isu a naited kadatayo.**

Dagiti kasapulan: Biblia, nabungon a regalo, nakasurat iti ruar “Amintayo ket ay-ayaten ti Dios, DVD player wenno radio (no adda)

### III. Linaon/Wagas ti Panagadal

#### A. Panaglukat a Panagdayaw

1. Panangpasangbay: Kablaawan dagiti ubbing babaen iti naisem nga rupa ket rebyuen ti napalabas nga leksion.
2. Kitaen ti naisagana a Liturhiya.

#### B. Panagsagana

1. Mangisagana iti papel a pagsuratan iti Tatang ken Anak: Nanang ken Anak; Tatang ken anak a babai; Nanang ken anak a babai. Ipigket daytoy kadagiti nadumaduma a paset ti kuarto. Agay-ayam iti “Nagannak ken Anak”. Ibunong dagiti nagnagan ken nagan dagiti nagannakda,. Kitaenda kadagiti nakasurat ti mayannatup a nakasurat iti barukongda ket agtakderda iti kapadada. Amin nga husto ti pannakipadana, mangabak iti ay-ayam.
2. Ania ti riknam itay nabirukam tay mayannatup kenka? Iti ay-ayam ania ti panagkunam a rikna dagiti nagannak kadagiti annakda? Ania ti makunam a rikna dagiti annak kadagiti nagannak kadakuada?

#### C. Panawen ti Panagadal

1. Sawem: “Ti Dios Ama, intedna ti anakna a ni Jesus a kas sagutna kadatayo. Naiyanak a maladaga ken nakipagbiag kadatayo.”
2. Ibagi iti klase nga basaenda ti Lukas 2:4-7 nga aggedegan.
3. Ibagi a basaenda manen ti teksto babaen iti panangurnos dagiti ladawan kas mayannatop iti pakaibatayan ti leksion. (Kitaen ti activity sheet)
4. Mangayab kadagiti ubbing nga mangistoria ti teksto babaen kadagiti ladawan a naited.

#### D. Panangpauneg ti Adal

1. Sinno ti sagut ti Dios kadatayo? Apay?
2. Amin dagiti pagtarusan ken napunnon, sadinno ti nangipanan ti agbanbantay kada Jose ken Maria a pagturoganda? Kasano ti wagas nga panangipakita da Jose ken Maria ti kinapakumbaba? Ania ti makunam, apay nga inpalubos ti Dios a mayanak Jesus iti Kulloong?
3. Ania ti panagkunam a rikna ni Jose idi nakitana ni Jesus kas inbaga ti anghel kenkuana?
- 4.. Ania ti panagkunam a rikna ni Maria idi nakitana ni Jesus kas inbaga ti anghel kenkuana?
5. Kas ken Jesus, sinno ti sagut ti Dios kadagiti nagannakyo?

6. Ania ti gagangay a rikna dagiti nagannakmo idi mayanakka? Apay?

*E. Panangdiskubre ti Adal*

Ibagam: “Iti balayyo wenno iti pagtaenganyo, sino dagiti sagut ti Dios kadagiti nagannak? (Ubbing) Saludsodem: “Sino ti sagut ti Dios kadatayo? Apay ngata nga insagut ti Dios ni Jesus? Kasano ti panangpasangbaytayo kenkuana?”

*F. Panangyaplikar ti Adal*

1. Isuro ti laglagipen nga teksto: “Naipasngay kadatayo ti maysa nga ubing! Adda ubing a lalaki a naited kadatayo! Ket isunto ti mangituray kadatayo. Maawaganto iti, “ Nakaskasdaaw a Mamagbaga, Mannakabalin a Dios, Agnanayon nga Ama, Prinsepe ti kappia.” Isaias 9:6
2. Saludsodem: “Ania ngata ti panggep ken plano ti Dios kadatayo?” Mabalina a dagiti sungbat ket dagiti sumaganad:
  - a. Mangipaay ti rag-o ken ragsak iti pamiliatayo, dayta ti panggep ti Dios kaniak.
  - b. Ayatek ti padak a pinarsua ti Dios, dayta ti rason no apay nga inaramidnak ti Dios.
  - k. Agtulnogak ken dayawek ti Dios iti amin a biagko ta dayta ti pagayatan ti Apo.

Lugar	Ania ti kayat ti Dios nga aramidek iti biagko
1. Iti uneg ti pagtaengan kas inauna wenno inaudi nga kabsat	
2. Iti uneg ti pagadalan kadagiti katugawko, kaeskuelaak ken ti mangisursuro kaniak	
3. Iti uneg ti Kapilia wenno kuarto a pag-Sunday Schoolan	
4 No innak agkomunion	

4. Panagaramid ti “Sobre a Kulloong” ([http://www.daniellesplace.com/html/Bible\\_themes\\_-\\_Christmas.html](http://www.daniellesplace.com/html/Bible_themes_-_Christmas.html))

- a. Isagana dagiti materiales a mausar: bassit a sobre, bond paper, construction paper, krayola, pagpigket, kartib.
  - b. Dagitoy dagiti sumaganad nga wagas ti panagaramid:
    1. Kartiben ti akinnagto a paset ti sobre, mangiabti ti maysa pulgada kas linyana.
    2. Mangkartib iti maradaga nga construction paper ket ipigket iti uneg ti sobre.
    3. Ag-drawing, koloran ti ladawan ti ubing nga Jesus iti bond paper ket ipigket iti tengga iti sobre.
    4. Koloran dagiti dadduma a paset ti sobre. Inkkan ti arkos depende ta kayatmo.
    5. Kartiben ket ipigket ti bituen ket ikabil iti ngato ti sobre nga kulloong.
  - k. Damagen iti klase no ania ti riknada iti nalpasanda nga inaramid.
3. Kumpletuen ti kahon iti activity sheet.

Lugar	Ania ti kayat ti Dios nga aramidek iti biagko
-------	---

1. Iti uneg ti pagtaengan no adda pangibaonnanda ken adda ibagada kaniak	
2. Iti uneg ti pagadalan kadagiti katugawko, kaeskwelaak ken ti mangisursuro kaniak ken dagiti agratrabaho iti pagadalan	
3. Iti uneg ti Kapilia wenno kuarto a pag-Sunday Schoolan a kas pangulo ken maysa kadagiti agad-adal	
4 No innak agkomunion	
5. Iti komunidad, kasano ti aramidek ti basurami iti uneg ti pagtaenganmi	

4. Ipakita ti ladawan iti activity sheet ket kitaen no kasano ti panangpasangbay ti pamilia iti maysa nga ubing. Dutokan ida a mangisurat kadagiti nadumaduma nga wagas ti panangpasangbay ti kayanak nga ubing iti pamilia.

5. Panagaramid ti “Kulloong a Popsicle” ([www.whattoexpect.com/blogs/astudentatmamauniversity/nativity-crafts-for-kids-popsicle-stick-nativity](http://www.whattoexpect.com/blogs/astudentatmamauniversity/nativity-crafts-for-kids-popsicle-stick-nativity))

a. Isagana dagiti sumaganad a kasapulan: stick ti popsicle, pinta, napudot a pagpigket, straw nga ti kolorna nalangto.

b. Aramiden dagiti sumaganad:

1. Pintaan ti lima a popsicle stick iti maris maradaga. Daytoy ti pagsadagan ti bagina. Pamagaan ti stick. Putden ti ngato ti dua nga stick 1/3 ti rukodna. (Daytoy ti agbalin nga adigina.)

2. Sumaruno, guduaen ti maysa a stick. Pintaan ti maysa ket pagbalinen nga Maria, ken ti kaguduana ni pagbalinen a ni Jose. Masapul nga agsango da Jose ken Maria.

3. Mangputed manen ti maysa nga sticks ket pagbalinen nga anghel.

4.) Mangputed manen ti maysa ket pagbalinen nga ti ubing nga Jesus.

5. Mangala kadagiti nagputdan nga stick ken pintaan ti kulay maradaga. Inton mamagaan putputdento iti babassit. Pigketan ti nairut ket pagbalinan nga “X” tapno agbalin nga kulloong. Ikabil ti straw a kulay nalangto mangipakita a garami. Aramaten ti napudot nga pagpigket ket ipigket ti ubing nga Jesus.

6. Pagsisilpuen dagiti pinutedputed a tattao iti kulloong. Aramaten ti napudot a pagpigket.

### G. Pangrikep a Panagdayaw

1. Ikabesa ti laglagipen nga bersikulo.

2. Panangpasingked ti Inadal: Naragsak ti pusok a mangpasangbay iti pannakayanak ni Jesus.

3. Panagdaton

4. Pangrikep a Kanta: “O Come, All You Faithful” (Hymnal of a Faith Journey # 135)

5 Pangrikep a Kararag: Apo Dios, inyegmo ni Jesus kadakami, agyamankami unay ti adu. Agyamankami iti panagbalin ni Jesus a kas kadakami, nakigamulo ken nakipagbiag kadakami. Tulongannakami a mangamiris kadagiti plano ken panggep mo kadakami. Amen.

## Youth Level

### I. Panggep

Kalpasan ti panagadal, dagiti nagatendar ket manamnama a:

1. mabalinanda nga iyebkas ti kapanpanunotanda no kasano nga ti pannakayanak ni Jesus nangted rag-o;
2. suportaranda ti naan-anay a panggep ti Dios a mangted ra-o ken nangibanag ti padto ken;
3. mairelasyon ti ragsak ti pannakayanak ni Jesus tapno maipatungpal ti panggep ti Dios.

### II. Konsepto: **Nayanak ni Jesus tapno mangted ragsak ken rag-o.**

Dagiti Kasapulan: Biblia, himno, pagkantaan, activity sheet, uppat nga grupo ti ladawan ken kahon

### III. Linaon/Wagas ti Panagadal

#### A. Panglukat a panagdaydayaw

1. Panangbasangbay/Panagsasangpet.
2. Kitaen ti naisagana a Liturhiya.

#### B. Panagsagana

1. Rugian ti panagadal babaen iti panagay-ayam. Grupoen ida iti uppat depende ti kaaduda. Ipakita ti ladawan ket pugtuan dagiti agtutubo. Ti umuna nga grupo a makaleppas ti umuna a mangipakita ti sungbatda. Amin a grupo nga addaan husto a sungbat ti mangabak. (ragsak, kappia, pammati, pamilya)
2. Kalpasan ti panagay-ayam, damagen kadagiti agtutubo,
  - a. Kumusta ti panangay-ayamy, kasano nga nasungbatanyo? Nalaka wenno narigat?
  - b. Ania ti riknam no kumpletokayo a sangapamilya iti tiempo ti Paskua?
  - k. Ania ngata ti langa ti lubong no agari ti kappia? Ania ti mariknam?
  - d. Ania ti langa ti lubong no amin a tao ket adda pammatina iti Dios?
3. Kalpasan nga nangeg dagiti sungbat, sawem: Ti Dios kayatna nga adda rag-o ken ragsaktayo. Nabatad ti ragsak dagiti nagannak kadatayo iti ta nayanaktayo. Ti pannakayanak ni Jesus nangted ti rag-o a napalalo kadagiti nagannakna ken uray pay kadagiti amin nga annak ti Dios. Inted ti Dios ti naindaklan a sagutna ni Jesus tapno isalakannatayo ken tapno maipatungpal ti padto.

#### C. Panawen ti Panagadal

Pagtugawen dagiti agad-adal iti sirkulo ket panunotenda nga addada iti maysa a lugar nga pagistoryaan. Basaem ti teksto manipud iti Lukas 2:4-7 ket ibaga a dumnggeda. No malpasmu a basaen dagiti agad-adal ulitenda nga iyestoria iti bukodda nga sarita. Adu a wagas ti panangulit ti teksto, mayat daytoy a pamuspusan tapno di malipatan dagiti agad-adal dagiti importante a detalyena.

4 Agsipud ta nagtaud ni Jose iti kapututan ni David, pimmanaw iti ili a Nazareth idiy Galilea, 5 ket napan iti ili a Bethlehem ti nakayanakan ni Ari David.

Kadua ni Jose ni Maria nga asawana ti panagdaliasatna.

Masikog iti ni Maria 6 ket idi addada idiy Bethlehem,



dimteng ti oras ti pannakaipasngayna.

7 Inyanakna ti inauna nga anakna a lalaki ket  
binungona iti lampin sana inpaidda iti kulloong  
ta awan pagyananda iti pagdagusan

Ehemplo 1: Ni Jose isu a taga Nazareth nagdalliasat tapno mapan iti ili a Bethlehem, ti ili ti kapounanna a ni David. Intugotna ti asawana tapno mapanda agpasalista. Idi addan sadiay nagpasngay ti maysa nga ubing a lalaki. Binungon ni Maria ti lupot sana inpaidda iti kulloong. Nagyanda sadiay gapu ta napunno amin a pagdagusan.

Ehemplo 2: Ni Jose ket kapuunan ni David isu nga napan Bethlehem tapno mapan agpailista sadiay. Intugotna ni Maria nga asawa ngem kabulanan ti panaganakna. Dimteng ti tiempo nga aganak ni Maria, napunnon amin a pagdagusan isu a napanda nagtarus iti kulloong dagiti ayup.

#### *D. Panangpauneg ti Adal/ Panagbibinnuray*

Saludsoden dagiti sumaganad:

1. Sadino a lugar ti pagparehestroan da Jose ken Maria? Ania ti mabalín nga mapasamak iti lugar a papananda?
2. Ania ti mapasamak no makadanunda iti papananda?
3. Sadinno ti nagpasngayan ni Maria? Apay nga sadiay?
4. Ania ti nagbalin nga reaksion da Jose ken Maria ti pannakayanak ni Jesus?

#### *E. Panangdiskubre ti Adal*

Saludsoden: “Ania ti akem ni Jesus segun iti nakasaad iti Isaias 9:6-7? No addaka idi panawen ni Jesus ket agbibigka iti dominasion ti emperio ti Roma, ania ti mariknam no nangegmo ti damag nga mayanak ti maysa nga ubing a dagitoy ti agbalin nga akemna?”

#### *F. Panangyaplikar iti Naadal*

1. Ipresentar ti bersikulo: “Naipasngay kadatayo ti maysa nga ubing! Adda ubing a lalaki a naited kadatayo! Ket isunto ti mangituray kadatayo. Maawaganto iti, “Nakaskasdaaw a Mamagbaga, Mannakabalin a Dios, Agnanayon nga Ama, Prinsipe ti kappia.” Isaias 9:6 Ania ti mapanunotmo kadagiti sumaganad a naipanagan ken Jesus:

- a. Nakaskasdaaw a Mamagbaga,
- b. Mannakabalin a Dios,
- c. Agnanayon nga Ama,
- d. Prinsipe ti kappia

2. Sawem: “Ni Jesus inyegna ti rag-o ken ragsak iti pamilia ken iti entero a lubong idi naipasngay, kastatayo met. Inyegtayo ti ragsak iti pamiliatayo iti aldaw a pannakayanaktayo. Adda panggep ti Dios no apay nga inbaonna ni Jesus. Salusodem: “Ania met ti panggep ti Dios kenka ken ti pamiliam?” Isurat dagiti agad-adal dagiti sungbatda iti journal.

#### *G. Pangrikep a Panagdayaw*

1. Panagdaton

2. Pangrikep a Kanta: “O Come, All You Faithful” (Hymnal of a Faith Journey # 135)

4. Pangrikep a Kararag: Dios dagiti isuamin, agyamankami ti panangisaganam kadagiti puspusomi nga mangawat ken Jesus nga addaan napabaro ken naragsak a puso. Kas ituloymi

ti agpammati, malaglagipmi koma iti agnanayon nga inyegmo ni Jesus ditoy lubong tapno mangted rag-o. Agkararagkami iti nagan ni Jesus. Amen!

## **Adult Level**

### **I. Panggep**

Kalpasan daytoy a panagadal, dagiti nagadal ket manamnama a:

1. Maawatanda iti relasion ti pannakayanak ni Jesus ken ti panggep ti Dios a panangisalakan;

2. Mailawlawagda ti kayat a sawen ti padto ni Propeta Isaias maipanggep ti ubing a maipasngato kadatayo:
3. Maitalimudok iti pammatida ti pudno a rason ti iyuumay ti Mesias

## **II. Konsepto: Nayanak ni Jesus tapno isalakanna ti lubong.**

**Dagiti Kasapulan;** Biblia, himno, pagkantaan

### **III. Linaon Ti Panagadal**

#### *A. Panglukat a Panagdayaw*

1. Panangbasangbay/panagsasangpet.
2. Kitaen ti naisagana a Liturhia.

#### *B. Panagsagana*

Iti panagsagana ti leksion, dawaten ti kapanpanunotan dagiti agad-adal no kasanoda a selselebraran ti Paskua kas maysa a familia.

#### *C. Panawen ti Innadal*

- a. Isaias 9:6-7. Ti padto ni Profeta Isaias saritaenna ti dua a parang ti kinatao ken kinasiasinno ti Mesias, inted ti Mesias ti Dios kadatayo ken nayanak a kas tao ken nakigamulo kadatayo.
- b. Lukas 2:4-7. Daytoy a bersikulo saritaenna ti kongkreto nga pasamak ti panagdalliasat da Jose ken Maria a mapan idia Bethlehem ken ti akto a pannakaipasngay ni Jesus tapno maipatungpal ti padto.

#### *D. Panangpauneg ti Adal/Panagbibinnuray*

Diskutiren ti leksion babaen kadagiti sumaganad nga saludsod.

1. Ania ti kayat a sawen ti padto ni Propeta Isaias nga maipasngayto ti ubing kadatayo?
2. Ania ti panagkunam, apay a nayanak ti Messias a kas gagangay nga umili ket saan a napananur a kas ari?
3. Kasano nga irelasyonmo ti pannakayanak ni Jesus iti plano ti panangisalakan ti Dios?

#### *E. Panangdiskubre ti Adal*

Saludsodem: “Ania ti importansiya ti pannakayanak ni Jesus? Ania dagiti mabalin nga aramiden a panagsagana para iti iyuumay ti Cristo, ti Mesias? Kasanom nga isagana ti pananagpasangbay mo iti Mesias?”

#### *F. Panagyaplikar ti Naadal*

Ibingayda ti kapanpanunotanda maipanggep iti iyuumay ni Jesus.

- a. Kasano ti kasasaad dagiti nakurapay idi panawen ni Jesus a maipada iti kasasaad dagiti nakurapay a tattao iti agdama a panawen?
  - b. Kasano nga makatulong ti Naimbag a Damag kadagitoy a tattao? Ania ti mabalin nga itulongtayo tapno maiwaras ti Naimbag a Damag?
  - k. Adda kadi pay namnama iti kastoy a kasasaad? Ilawlawag, apay ken apay a saan.
  - d. Sadino ken sino ti pakakitaantayo ti namnama?
2. Saludsodem: Kasano nga parang-ayem ti pammatim? Mangisurat iti plano manipud kadagiti sumaganad a sitwasyon.
- a. Ti kampania ket mangrugin para ti umay a Mayo panagpipili?  
Kas Iglesia, kasano nga mapatibker ti pammatim iti umay nga eleksion?

b. Dagiti Lumads idiaay Mindanao ket makapadpadas iti pannakabutbuteng. Kas miembro ti Iglesia nga asideg iti lugar, kasano ti panangibiagmo iti pammatim ken kasanom a sungbatan ti kasapulan dagiti Lumads?

k. Ti local a gobierno ket inapprobaranna ti maysa a kompanya tapno minasenda ti lugaryo. Inkarianda dagiti umili ti trabaho ken agaramidda ti konkreto a dalan. Iti sabali a bangir, ti panagminas, kas kapadasan ti adun a kumunidad, ket ibuangayda ti pannakaperdi ti nakaparsuaan ken pannakasinasina dagiti umili (ex. pro-mining kontra anti-mining). Maibasar iti pammati ken Jesus, ania ti aramiden ti Iglesia kas sungbat iti kastoy a kasasaad?

### *G. Pangrikep a Panagdayaw*

1. Panagdaton

2. Pangrikep a kanta: "O Come, All You Faithful" (Hymnal of a Faith Journey # 135)

3. Pangrikep a Kararag: Dios dagiti isuamin, agyamankami ti panangisaganam kadagiti puspusomi nga mangakseptar ken Jesus nga addaan napabaro ken naragsak a puso. Kas ituloymi ti agpammati, malaglagipmi koma iti agnanayon nga imbaonmo ni Jesus ditoy lubong tapno mangted rag-o, namnama ken kinatalna. Agkararagkami iti nagan ni Jesus. Amen!